



Mission Sunday Thuchah:

- Rev. Dr. C. Vanlaldika AGS i/c Mission

PATHIAN DUH ZAWNG KOHHRAN:

Li th<k lam pan (Luka 5: 4)

Vawiin hi kan hriat theuh angin Mizoram Baptist Kohhranah chuan kan ni pawimawh tak mai "Mission Sunday" a lo ni leh ta reng mai. Zing lam leh zan lama kan thupui te hi an vha ve ve hle mai a. Zing lam thupui hi kan han thlur bik dawn a ni. Kohhran hi pawl (denomination) hrang hrangin kan awm hrang hlawm a. Hming vha tak tak kan invuah hlawm a. | henkhat chu Isua Krista Kohhran te, Church of God (Pathian Kohhran) te, Presbyterian Kohhran te, Baptist Kohhran te leh a dang tam tak a awm a, kan sawi vek seng lo vang. Eng hming pawh pu ila kohhran hming ropui leh mawi lamah kohhran nih chhan a awm lo va. A hming lam ni lovin "eng kohhran ze pu nge kan nih" tih hi a pawimawh lai chu a ni awm e. Kohhran hming vha leh mawi tak pawh pu ila Pathian duh z^wng kohhran kan ni em tih hi kan ngaih pawimawh fo a \ul awm e. Chuvangin vawiina kan thupui 'Li th<k lam pan kohhran' tih hi thupui mawi leh vha tak Pathian duh z^wng kohhran nih dan tur tak pawh niin a lang. Ni pawimawh bua thupui kan neih sa hi tl>min ka her danglam deuh a, chhiartute hriatthiamna ka ngen nghal bawk a. BCM hi Missionary phun kohhran pawh ni ila, 'Pathian duh z^wng kohhran, li th<k lam pan' kan nih reng a \ul a. Li th<k lam pan kohhran ni tur chuan li th<k lam kan pan hmawh mamawh kan nei a chung kan mamawhte a\ang chuan kan thupui hi kan zir \an dawn a ni.

Thlarau luah Kohhran:

| um khat chu mi pakhat hian kohhran pakhat a luh a duh a. Chu kohhrana an Pastor chu a va bia a. Chu Pastor hnenah chuan, "I kohhranah hian lo luh ka duh a ni," a ti a. Mahse chu Pastor chuan a ngaihsak zui lo va, l<t tur pawhin a <mzui hek lo va. Vawi eng emaw zat Pastor chu a bia a: nimahsela, chu Pastor chuan a <ks^k hman lo tlat z>l a. Chu pa chu a mangang hle ta mai a. Pathian hnenah a \awng\ai ta a. Pathian chh^nna chu hei hi a ni, "Vawi hnih khat he kohhranah hian luh i dil a, i beidawng mai dawn em ni? Kei pawh kum tam tak liam ta a\ang khan he kohhranah hian luh ka tum \hin a, vawiin thleng hian ka la l<t thei lo. A hlim phei chu an hlim phian a. An administration pawh a fel faiin a vha a. Thawh lawm pawh an thawh vha hle mai. Kum tin speaker vha tak tak ruaiin an hlim hle \hin a. An hlimna erawh chu an mahni kohhran bil chhunga nuam an tih chinah an hlim mai mai a ni," tiin a chhang ta a ni. | henkhat kohhran hi chu Thlarau Thianghlim hian chhuahsan pawh ni se, Thlarau Thianghlim chhuahsan tih inhre miah lo hian tui takin kan zai ang a, dik deuh deuhin kan \awng\ai ang a, tui takin thuchahte kan sawiin kan ngaihlam mai thei a ni. Mahse, Lalpan kohhran a duh chu Thlarau Thianghlim tel ve theihna kohhran a ni ngei ang. Chu chu 'li th<k lam pana' rawngbawl tura kohhran mamawh hmasa ber pawh a ni (cf. Tirh. 1: 8).

Doctrine (Zirtirna) dik pawm Kohhran:

Rome 16: 17-ah chuan, "Unaute u, zirtirna thu in dawn kalh zawnga in zinga in vhenah leh tl<kna chawk chhuaktute lakah fimkhur u la, anni chu hawisan turin ka ng>n a che u," tih kan hmu. Galatia 1:6- ah chuan, "Krista, khawngaihnaa kotu che u kalsanin, Chanchin | ha chi dang in pawm leh ta thut hi mak ka va ti em!" tih kan hmu a. Ephesi 4: 14-ah chuan, "Fing verv>ka thiam taka mi hrui bo an tumna, zirtirna chi tinrenga lehlam lehlama hrui kawi theih naupang chhia ang kan ni tawh lo," tih kan hmu bawk. Hun eng emaw a\ang khan UID/Sakawh emaw hlahu vanga mahni awmna kohhran chhuahsan kan awm nual a ni awm e. A pawl tak zet a ni! Hei hi kan Pathian thu duh vang chu a ni teh meuh mai. Amaherawhchu, 'Pathian thu' kan tih hi kohhran ngaih theih lohna, ch>p intihna 'Pathian thu' a

ni nge ni lo tih hi kan finfiah fo a vha awm e. Heng zirtirna him lo Pathian thu anga ngaih ve mai theih theologically- a dik zik tluak si lo hi kan tl^nsan a hun hle mai. Mahni kohhran programme pangngai duan tawh tawh sa tlansana Saikuti Hall/Vanapa Hall tih ang reng vel emw kohhran dang biak ina tlan l^wr, tlan l^wr te hi thil vha tak a ni lo vang. Thuhritlu danglam zirtirna him tluantling chiah lo ngaihnawm ti tlat member te, kohhran rorel tl<k tawh sa kan duh loh z^wng deuh a nih vang a, kohhran dang b>l ta mai te pawh kan awm thei e. Heng lakah hian kan fimkhur hr^m hr^m a pawimawh a ni. BCM hian Thurin kan nei, chu kan Thurin chu Bible-a inngat, Bible thu a\anga l^k a ni a; Contitution bu Phek 1 - 7 ah a chuang nghe nghe a, hetah hian lungawi tl^n kan zir z>l a pawimawh khawp mai.

Pathian chibai b<k Kohhran:

Pathianin Israel fate Aigupta ram a\anga a koh chhuah chhan chu, "thlalerah ka miten chibai min b<k theih n^n," a ti. Pathian chibai b<k \hin tura kohhran hi din kan ni. Kan tunlai khawvelah Pathian chibai b<k ka inkhawmte hi kan ngai pawimawh z>l em aw, tih hi kan inzawh fo a vha awm e. Kan cancer te a nih ngawt loh phei chuan, "Ka va han inkhawm ch^k tak em!" han ti ngawih ngawih hi kan vang ta khawp mai. Kan inkhawm peih lo chhuanlamah kan Upa leh Rawngbawltute hi kan han puh ti tih ngawt z>l a. Thlalerah Mosia hova Pathian chibai an b<k \hin lai khan Mosia thusawi thiam vang chu a nih hmel loh khawp mai. Mosia kha 'mi \awng ban leh \awngkam thiam lo leh dang^wk' a nih kan hria a (Exodus 4: 10). Mipui lam zawk khan Pathian hnaih hi an chak >m a, Pathian chibai an b<k mai a ni. Pathian hnaih hi 'li th<k lam pana' kailawn a ni bawk.

Khawtlang nun vei kohhran:

Kohhran hi khawtlang (society) vei tak kohhran a nih pawh hi a \ul tel tho mai. Sap Upa leh Pu Buanga te khan Mizo khawtlang nun mai ni lovin economic dinhmunte kha an vei tel hle mai a. Hmar lamah Dr. Frazer khan bawih chhuah chungchang thu kha nasa takin a lo au chhuahpui tawh bawk a. Tin, William Carey te \hian pathum pawh Indian society veitute an ni. Tuna

(Phek thumnaah chhunzawm a ni)

MISSION NEWS

Inkharkhip avangin Missionary 13 tangkhang

Covid 19 hri l>n avangin Pastor leh Missionary posting & transfer eng emaw zat a hun ruat agin a kal thei lo va, a pawl teh reng nen; missionary 13 lai he lockdown avang hian Mizoramah an tangkhang a, an khawngaihthlak hle. Chungte chu:

1. R. Lalfeli Bhutan
2. FP. La\hathanga AP Far East
3. MS. Dawngkimi AP West
4. FH. Vanlalliana AP West
5. Marvin R. Lalawmpuia Bengal
6. T. Lalamlovi Chakma Mission
7. C. Laldingngheta Bengal field
8. K. Lalchhanhima AP Far East
9. L.H. Lalngakmawia Jharkhand
10. HC. Lahmunlana Bengal
11. T. Nghaksanga Sikkim
12. C. Thangzela Bengal
13. Dr. Rema Chhakchhuak - China

SI.No.1&2 hi an tangkhang laiin headquarters Office-ah \ul hrang hrang avangin Office an kal \hin a, an \angkai hle.

Missionary-ten Mask hmangin Sawrkar \anpui

AP Far East-a kan missionary te chuan hri pui laka inv>nna hmanrua siamin sawrkar an \anpui ve. APEast field chung Roing leh Namsai-a kan puan\hui zirna beh chhanin puan \hui zirtirtu, missionary nupui te leh zirlai ten hmai tuamna (mask) 2,000 lai an \hui chu Arunachal Pradesh sawrkar, Health Department-ah a thlawnin an pe a, an ti lawmawm hle.

Non Mizo Mission-ah thawktu thar Pahnih

Kuminah hian Non Mizo Mission-ah rawngbawlna chak z^wka kalpui a nih theih nan Missionary senior tawh tak pahnih Pu V. Dokhuma leh Pu Daniela Hnamte te dah belh an ni.

Vawiin Thupui

Vawiinah hian kohhran inkhawm a awm thei a nih chuan hetiangin ...

Zing lam thupui:

Li th<k lam pan Kohhran (Luka 5:4)

Zan lam thupui:

Lo chu khawv>l a ni (Matthia13:38)

CHIEF EDITOR:

Rev. Dr. Lalzarliana
+919436156276
Whatsapp-9862393569

EXECUTIVE EDITOR

Rev. R. Thanmawia
+919856953553

EDITOR

Upa KMS. Dawngliana
+9436371385
+7005192105

EMAIL:

baptisttoday@mizobaptist.org
kohhranbeng@mizobaptist.org

**CIRCULATION
MANAGER:**

Upa H. Lianchhüangi
+919436370532/
9862965797

ADDRESS:

BAPTIST TODAY
BCM Hqrs. Office
Serkawn, Lunglei
P.O. Zotläng- 796691
Mizoram

WEBSITE:

<https://www.mizobaptist.org>

OFFICE EMAIL:

bcmoffice@mizobaptist.org
contact@mizobaptist.org

A man

**Thla khatah Rs 10/-
Kum khatah Rs 120/-**

**Editorial Board
member-te**

**Upa H. Zadingliana
Ramzotlang
Rbt. H. Lalthangliana
Kikawn**

**Edited by
KMS. Dawngliana
and Published by
Communications
Department, BCM;**

**Printed at BPP, Serkawn,
Lunglei. 13,800/c**

CHHUNGKAW THU HLA**Evangelist Team Speaker-te pualin
Retreat neih beisei**

Revival & Evangelism Committee chuan kan khawvel boruakin a zir chuan kumin October Pathianni wavi hnihna hmangin Recognised team speaker te Retreat neihpui a tum. Tunah hian Committee-in a pawmpui Evangelist team 57 an awm a, chung speaker-te pual chuan Lunglei khawpui chungah retreat hi neih beisei a ni.

M | KP leh SSBA | KP inpalai tawn dawn

Mizoram | KP leh Saisawm Sazai Baptist Association | KP te chuan an inkhawmpui liana inpalai tawn tawh \hin nise tih an remti. SSBA | KP hi JSBA | KP ang bawka Tripura Baptist Christian Union (TBCU) hnuai Association pakhata | halai pawl te an ni a. Mizo \awng hmang tho an ni a, Tripura kan missionary te pawh an inkhawmpui ahian an tel \hin a ni.

Fellowship Organisations-te thuzir tur:

Tuna kan khawvel boruak chu eng pawh ni se, kum thar 2021 pawh beiseinain thlir loh theih a ni lo va. FOD Committee hnuhung bera report leh thurel a \ang tea kan hriat theih chinah kum thar 2021-a thuzir tur chu henge hi a ni ang a. Mi pakhat ziak ni lovin thuzir pakhat ziak tur pawhin mi hrang hrang ziahtir an ni ang.

BKHP : Hmeichhate leh tunlai thil awmzia

BMP : Lalpan min ko

KNP : Pathian mi ropuite (Bible-a mi leh Bible pawn lama mi)

**Rev. Dr. Rodinmawia Ralte-in
a hna thar zawm ta**

Senate of Serampore College University-a Branch pakhat, **SCEPTRE (Senate Centre for Extension and Pastoral Theological Research)** -a a khaipa ber 'Dean' ni turin kan pastor zinga thiamna s^ng tak nei, Rev. Dr. Rodinmawia Ralte chuan June 10, 2020 khan a hna thar a zawm fel ta. He mawhpurhna hi BCM in kan wavi khat channa a ni a, hna pawimawh leh lian tak, kum thum term a ni. Pastor Rodina kan lawmpuiin kan chhuang a, kohhranten i \awng \aipui \hin ang u.

Han sawi thui deuh hlek ila, Senate of Serampore College University hnuai ahian Pathian thu zirna hi \huang hnihin kalpui a ni a. Pakhat zawk chu kan hriat lar sa, BD, M.Th. etc zirna hi a ni a. A dang leh chu SCEPTRE hi a ni. Hemi hnuai ahian Diploma in Christian Studies (Dip. CS) te, BCS (Bachelor in Christian Studies) te leh MCS (Master of Christian Studies) te a awm a. Hemi bika hotupa ber mawhpurhna (Dean) hi a chang dawn a ni.

Pastor bial Inkhawmpui leh ABC Inkhawmpui chungchang

BCM Administrative Committee chu inkharkhip karah pawh thil \ul bik avangin a khat tawkin an \hukhawm reng a. Tunhna June 26, 2020-ah pawh khan Committee meeting neiin kumin pastor bial leh ABC inkhawmpui neih leh neih loh chungchangte an thlir a. TI > min a hun a la hla deuh bawka, kan hri l > ng leh hemi chungchang sawrkar thu tl < knate pawh la ngaihch^n hlek ni se an ti a. | hulh emaw, rorel ringawt neih emaw, thutlukna siam nan a la tlai lo ve, tiin bial leh ABC inkhawmpui chungchangah chuan headquarters thu la ngaichang turin kohhrante pawh an beisei.

Kohhran 16 hnenah**Relief to Churches pek tum a ni**

Pastoral Department Committee chuan kum tina a lo tih \hin angin tun hnaia an Committee-naah chhan hrang hrang avanga kohhran \anpui ngai zualte hnenah \anpuina a p > k \hin, Relief to Churches account a \angin kohhran 16 hnenah \anpuina pek a tum a. Heng \anpuina dawng tura thlante hi a tam ber chu biak in sak lai mek chhunzawmna tur a ni a. Tunah a thuphungin rem tih ni mah se, hri l > ng boruak azirin a lam theih hun inhriattir a ni ang. Chung \anpuina dawng tura thlan kohhrante chu:

1. Phuldungsei
2. Dungtlang
3. Zion, Bungtlang South
4. North Chaltlang
5. Lianpui
6. Bethel, S. Vanlaiphai
7. Cheural
8. Zanlawn
9. New Serchhip
10. Phainuam
11. Lungpuitlang
12. Rawlb < k
13. Vaseikai
14. Khawruhliana
15. Bethel, Zungtui leh
16. Bethlehem, Lawngtlai te an ni.

(Chhungkaw Thu hla hi Baptist Today chhut chhuaha sem a nih loh lai, pdf-a copy tl > m t > kan buatsaih laia mi \henkhat kan rawn tar lang nawn a, zau zawka kohhrante hriat atana \ha kan tih vang a ni e.- Editor)

Editorial:**BCM leh
Ni Pawimawh**

Mizoram Baptist Kohhran hian Mizorama kohhran pawl dang zawng zawng aia chungnunna tak pakhat kan nei a, chu chu Ni Pawimawh neih tamah a ni. He thil ah kher kher hi chuan kohhran pawl dang tu mah min cho ph^k an awm lo va; a nei tam ber pawhin kan neih zatve pawh an nei lo vang.

Waviin pawh hi Mission Sunday a ni a. Amah ang deuh deuh pahni kan nei. Chungte chu **Missionary Day** (January 11) leh **Missionary thlen champha** (March 8) te an ni a. Waviina kan hman mek hi **Mission Sunday** (July 1st Sunday) a ni ve thung. Heng Mission lam hawi ni pawimawh pathumte hi kohhran member nawlpui chu sawi loh, hruaitu chinah pawh thliar hrang thiam mang lo kan awm nual awm asin. Entirnan waviina ni pawimawh leh a anpui dangte ka han sawi mai a ni a; a nihna takah chuan Mission Sunday chiah Pathiannia hman ngei ngei ngai a ni zawka, zia tak a ni.

Tun \umah hian a enga mah sawis > l chiam a rem lo va; amaherawhchu hetia ni pawimawh kan nei bak chuk lutuk hi kohhran kal z > lna atan a \ha nge, \ha lo ngaihtuah hun lai tak a ni awme. Heti taka ni pawimawh bik kan ngah hi kan inr > lbawlna \hat bik vang nge, fuh chiah loh vang z^wk? **Ni pawimawh kan ngah viau mai hi Kohhran tan malsawmna nge phurrit?**

Khawvel huapa Kristiante ni pawimawh Pathianni kan hman tl^ n ho- Palm Sunday, Easter Sunday, Pentikos Ni, Khawvel Sunday School Ni leh Bible Sunday bakah Mizorama kohhran pawl dangho hian Pathiannia thupui hran neia hun hman ngai wavi nga emaw > l chauh an neih laiin keini BCM chuan wavi 12 aia tl > m lo kan nei. Bial, ABC leh Assembly lai Pathiannite tiam lovin a la ni lehngal. Kan ngah f^ l deuh hlek chu a ni! Heti taka ni pawimawh kan ngah hi hotute mawh ngawt chi a ni lo; keimahn ngeiin sawi ho hrep hnuab^n phara kan keuh tl < k ngeite a ni hlawm.

Tunlai hian kohhran kalsiam zir changin a \ul chuan belh emaw, pah emaw turin kan tih dan m > k a \anga hmasawmna awm thei apiang her danglam inhuamin Planning Commission a kal m > k a. Hei hian ni pawimawh kan ngah lutuk te hi zir changin ngaihtuahna han hmang tel ve sela a \ha ang em le? Hetia han en mai hi chuan pasarih v > l lai hi chu 'a ni bik' hmang lo pawha kohhran kalsiam tibuai chuang lo tur hi awmin a lang tlait a ni.

KMS. Dawngliana

I | AWNG | AI ANG U

He lai thla (column)-ah hian BCM | awng\ai Hruaina bua mi naktuk Thawh\anni a\anga Pathianni leh thleng z>l kan kan rawn tar lang \hin dawn a. | awng\ai hruaina bu buatsaih laia mi nena inmil lo awm thei apiangte helai a\ang hian kan tidik (update) \hin ang a. Kohranhoten \agkai taka hman i tum hlawm ang u. Tun \um bikah chuan July 10, Zirtawpna kan \awng\aipui tur hi tl>ma tih dik ngai a awm ngal tih pawh kan hre hlawm dawn nia. - Editor)

July 6. Thawhtanni: Marka 3:28 - 30
Evangelist Teacher-te: F. Lalhmuchhuaka; H. Lalthazuala leh B. Lalenkawli Jubilee English School Partkijuli-a thawkte leh an chungte tan.

July 7. Thawhlehi: Jeremia 29:10-13
Evangelist Teacher-te: J. Lalsawmliana, Headmaster; Esther Zothansangi leh V.Lalmalsawmi, Mt. Olive School Debitola-a thawkte leh an chungte tan.

July 8. Nilaini: Kolossa 1: 10 - 14
 F. Lalramdinpuia, Headmaster, K.Lalchungnunga, Evangelist Teacher leh Lalruatkimi Chhangte, Evangelist Nurse, Dipsing Academy a thawkte leh an chungte tan.

Tripura Field:
July 9. Ningani: Isaia 1:2-5 (Ram tana \awng\ai ni)
 Rev. B. Rothangpuia, Field Director; C. Lalremsanga, Headmaster leh R.L. Rosangliani Evangelist Nurse, Elem English School Dulukma-a thawkte leh an chungte tan.

July 10. Zirtawpni: Hebrai 10: 16 - 18
Evangelist Teacher-te: Lalhimpuii Sailo, Nancy Lalnunmawii, H.S. Zodingliana leh F. Vanlalhruaii, Elem English School Dulukma-a thawkte leh an chungte tan.
 (F. Vanlalhruaii hi St. James High School, Tripuraa thawk a ni zawk a; Elem English School-a thawk zawk chu PC. Lalhriatpuii a ni e. - Editor)

July 11. Inrinni: Rom 1: 16, 17 (Missionary-te tana tawngtai ni)
 C. Vanlalsawma, Headmaster; Lalthanzuali Hauhnar, Evangelist Teacher; H. Sangdingpuii Evangelist Nurse leh K. Zohmingthangi, Evangelist Teacher, St. James High School Gongrai-a thawkte leh an chungte tan.

July 12. Pathian ni: Matthaia 24: 10 - 14
Evangelist Teacher-te: H. Lalbiakzara, A.Lalhmingangi, St James High School Gongrai leh R. Lalrindika, Araidun-a thawkte leh an chungte tan.

(Note: Heti hian tih z>l kan tum ang a; khawngaihin a bu nena inmil lo (hming emaw, thawhna hman emaw, Bible bung leh chang emaw hre l^wk kan awm chuan kan inbengvar zel dawn nia. - Editor)

ADVERTISEMENT

Baptist Church of Mizoram hnuai ah HIV dona leh enkawlna (Project Sunshine) lama thawk tur mamawh a ni a, rawngbawlnaa ngaia thawk duh ten a hnuai hna tar lante hi dil theih a ni e:

Sl. No	Name of Post	No. of Post	Salary per month	Qualifications
1.	Project Coordinator	1	20,000	Master Degree in Social Science
2.	Monitoring & Evaluation Assistant	1	18,000	Any graduate with computer and accounting knowledge
3.	Peer Counsellor	3	7,000	HSSLC & above preferably with field experience in HIV

Hriatturte:

1. Dilna chu plain paper-a ziakin a hnuai hming ziak hnenah dil tur a ni.
2. Dilnaah hian heng document-te hi thil tel tur a ni:
 - a) Recent passport size photograph
 - b) Educational certificates
 - c) Birth certificate
 - d) Lawina kohran Secretary lehkha
3. **Dilna chu July ni 7, 2020 3:00 p.m aia tlai lovah** thehluh tur a ni.
4. Diltute chu July ni 10, 2020 11:00 a.m ah interview tur a ni ang.

(F. RAMDINMAWIA)
 General Secretary,
 Baptist Church of Mizoram

2023 MIZORAM BAPTIST MIPA PAWL (MBMP) MEET VAWI LI NA

Mizoram Baptist Kohran Mipa Pawl Meet (2023) wawi lina chu February 2023-ah neih tur a ni a. He meet thleng duhte tan October, 2020 ral hman Director, Fellowship Organisation hnenah ziakin theh lu theih a ni tih bial tinte kan inhriattir e.

Sd/- Director,
Fellowship Organisation Department

(Phek khatnaa mi chhuzawmna)

kan ram dinhmun thlir hian kan rawngbawlnaah hian khawtlang nun vei tel kohran (socially conscious church) nih a \ul hle bawk. Khawtlang nun siam \hat hi Evangelical kohran \henkhatte chuan an tih turah an dah chiah loh laiin EFICOR (Evangelical Fellowship of India Commission on Relief) chu Evangelical p^wl int>lkhawm chu an ni lawi a. Chuvangin Evangelical kohran kan nih hian ram leh khawtlang siam \hatna hna hi kan thlah thla tur a ni bik lo vang.

Timothea hnenah a fuihna thu kan hmu a ni. Li chu a th<k emaw, a p^wn emaw, a hun emaw, hun lo emaw, thlarau bo man tura beih zel hi kohran tih tur niin; chu kohran chu Pathian duh z^wng kohran a ni ngei ang. Li chu a th<k apiang a thim a, kan rawngbawlnaah pawh a thim lai apiang hi 'li th<k' kan tih chu a ni e. Tunah hian ramthim rawngbawlna hi thlah thlain kawng dangin rawngbawlna ta ni ila, kohran nihnaah leh a rawngbawlna kal z>lna danah hian a inb<k t^wk thei dawn lo a ni. Khawtlang nun kan veina hian ramthim veina a vaw chhe tur a ni lo va. Th<k zawka rawngbawlna z>l turin kan inbuatsaih sauh sauh a \<l z^wk a ni.

Evangelical Kohran/Ramthim vei kohran:

Evangelical Kohran kan tih hian "Chanchin | ha hril ngaina Kohran" kan tihna a ni. Thuthlung Thar Kohran din chhan pakhat chu "Chanchin | ha" hril tura din a ni. Tirhkohte Thiltih 5: 42-ah chuan, "Ni tin, Tempulah leh in lamah Isua kha Mesia chu a nih thu hril leh zirtir an bang chuang lo," tih kan hmu. An va peih tak >m! An titi ber chu Isua chanchin a nih ngawt chu. Tirhkohte Thiltih 8: 4-ah chuan, "Tin, a darhte chu hman tinah an kal a, Chanchin | ha an hril z>la," tih kan hmu leh. Petera chuan, "Kan hmuh leh hriatte hi sawi lovin kana awm thei lo," a ti thl^wt mai a ni. Tirhkohte Paula chuan, "Thu chu hril rawh; a hunah te, a hun loh vah te pawh bei zel rawh" (2 Timothea 4:2) tiin Pastor

Tipna:

Tunlai khawvel, min n>ktu chak leh tam tak, mit ch^kna te, beng ch^kna te, ei/in ch^kna te leh khawsak nawm ch^kna te karah hian li th<k lam pan kohran chu Pathianin a zawng m>k a ni. BCM chuan 'li th<k lam pan' kohran nih ve a duh avangin kum 1939 Thililtang Presbytery chuan Chakma leh Bru zingah rawngbawlin li th<k lam a pan \an ve a. Tunah chuan kum 80 a lo tling ve ta hial mai. Tun aia li th<k lam la pan tur hi kan la nei cheu a. Chu li th<k lam pan tur chuan kohran hote kan inbuatsaih sauh sauh a va \ul >m!

Pathian khawngaihna in zaa hnenah awm rawh se.

MISSION SUNDAY PUALIN MISSION FIELD I THLIR ANG U

Baptist Today Mission News Service chuan Mission Sunday kan hman dawn avangin Mission field Director te be pawpin an field dinhmun leh kumin chhunga an chanchin langsar zual min rawn hriih hlawm a, a lamawmin a ngaihnam hle. Amaherawhchu inbiak pawhna \hat t^wk loh vang leh harsatna eng emaw avangin field zawng zawng a\ang chuan kan hmu kim vek hman ta lo va, kohhranten kan hre thiam dawn nia. Tin, report pek dan a inchen loh >m avangin kan a inang tlang thei ang ber turin kan han phuah khawm a, heti chung pawh hian a la rual lo viau mai thei bawka. Kan hre thiam tlang dawn nia. A tlangpuiin hetiang a ni:

AP East field

Arunachal Pradesh East field-ah hian Director, Rev. Lalsangzuala Sailo hovin BCM Missionary pakua, Tualchung tih missionary pahnih, Tailoring instructress (bial & tualchung support) pahnih, Evangelist (BCM support) – 17 leh Evangelist (mimal support) - 4 an awm a. He field-ah hian association pathum nen kan thawk ho mek a, chungte chu.

1. Adi Baptist Union (ABU) Kohhran 89, Member - 8000 v>l
2. Galo Baptist Union (GBU) Kohhran 34, Members - 5000 v>l
3. United Galo Baptist Church (UGBC) Kohhran 10, Members - 1000 v>l an ni a. Kumin chhungin ringthar baptisma chang 113 an nei tawh.

AP Far East

Rev. James Zoramawia, Field Director a ni a. Arunachal Far East hian Arunachal Pradesh-a district pathum leh Assam state- a district pahnih a huam a. Tunah hian field director hovin missioary 10, Volunteer pakhat leh local worker 12 an bung mek. Kuminah hian hripui leng karah mi tam tak Baptisma chan duh kan nei belh zela. Ringthar baptisma chang 157 lai an nei tawh.

AP West Field

Arunachal West field-ah hian Director, Rev. Lalbiakhlua Chawngthu hovin BCM Missionary 22 leh thawktu dang 16 an bung mek a. Kan thawhna huam chhungah hian a) Nyshi Baptist Church Council-ah Kohhran 468, Pastor Bial 52 b) Apatani Baptist Association-ah Kohhran 15, member 5315 c) United Mishing Baptist Church-ah Kohhran 30, Members 1503 an awm a, kumin chhunga baptisma chang zat 28 an tling tawh.

Assam Field

Assam field pawh hi Area thumah \hen a ni a. Chungte chu Rabha Area, Dhubri Area leh Boro Area te an ni. Tunah hian field Director, Rev. Zonunvula Ralte hovin Missionary 20, Native Worker BCM Support 36, Voluntary Missionary (School Support) 10 leh Native worker (Mimal, Tualchung Kohhran leh Pawl Support) pasarih an awm mek. Kohhran 91 leh Fellowship 10 awmin member 14,712 lai an tling tawh a. Kumin chhunga baptisma chang thar zat chu 176 an ni.

MP & MH Field

Tun hmaa Korku field kan tih \hin kha a ni a, field Director chu Rev. V. Biaknunsanga a ni. Tunah hian thawktu Missionary Pahnih, Native Workers-17 leh Private chawm pahnih an awm a. Kohhran pariatah member 620 awmin kumin chhungin ringthar baptisma chang paruk an nei tawh.

Bhutan Field

Bhutan field-ah hian Director, Rev. R. Lalremruata hovin Missionary pali bakah Native Evangelist (BCM support) pariat leh Native Evangelist (private support) pariat; an vaiin 20 an awm a, Baptist Church of Bhutan hnuai ah kohhran 14 awmin member 304 an awm. Kumin 2020 hian Baptisma target 32 an nei a, tun thlengin mi pakhat baptisma chang kan nei a, baptisma chang tura thutlukna siam fel tawh mi pali chantir mai tur an nei mek.

Tripura Field

Tripura field hi BCM in missionary rawngbawl hna kan thawh tamna leh ngaihnam be rte zinga mi a ni. Tunah hian field Director, Rev. B. Rothangpua hovin Missionary 26 bakah Native Worker 36, Private sponsor missionary 14 leh School sponsor 44 an bung mek a. Kohhran zat pawh 435 lai awmin Kristian 28,861 an tling tawh. Kumin chhunga ringthar 66 an neih belh tawh.

West Bengal Field

West Bengal field hian Birpara leh a chheh vel a huam a. Area pathumah \hen a ni. Tunah hian field Director, Rev. H. Lalengmawia hovin missionary 16 bakah Voluntary pakhat, Native Evangelist (Headquarters) 26, Native Evangelist (Private/Local/ Pastorate chawm 15 leh School support 24, an vaiin 82 an bung m>k a. Kohhran hi Rajbonghsi area-ah 8, Sikkim Area-ah 9 leh Birpara Area-ah 23, a vaiin 40 an ni. Kumin chhungin baptisma chang 27 an nei tawh a, lockdown zawha chang tur 25 an nei bawka.

Chakma Mission

Chakma Mission hi Mizoram chhunga Ramthim lama kan rawngbawl \anna leh tun thlenga kan la thawh m>kna field pawimawh tak a ni. Tun dinhmunah Director, Rev. A. Zohranga hovin missionary 82, Native (Regular) pathum, Native (Fixed Pay) 11, Fixed Pay (Mizo) Panga, Pvt. Sponsored 42 leh School Support 21, an vaiin 164 an bung mek. Kohhran/Fellowship 74 awmin Pastor Bial 10-ah \hen a ni a. Member zat 6,230 an tling tawh. Kumin chhungin baptisma chang zat 100 chiah an ni.

Non Mizo Mission

Non Mizo Mission hi Lungleiah Director-in a \hutchilh a. Tunah hian Director, Rev. B. Zirsangliana tiamin Evangelist 16 an awm. Fellowship (Sangati) 18-ah member zawng zawng 882 an awm a. Kumin chhungin ring thar Baptisma chang 32 an nei tawh.

Kolkata Region hnuai ah **Andaman**-ah Regional Director, Rev. Lalhmunsanga sawi danin tunah hian hindu nu pakhat a rem chan hmasak vele a baptisma chantir mai tur a awm a. Tin, Hindu chhungkua pahnih hnenah coueseling class pek leh mek an ni. Music class leh puanthui kal tlangin in lamah pawh nitin hma kan la zel a, hetah hian counselling pawh uluk taka lak zel a ni bawka e.

Jharkhand Field

Jharkhand field-ah hian Director, Rev. Lalhnehliana hovin missionary panga an bung mek a. Anmahni pui turin Native workers 41 an awm a, an zinga pakua hi Hqrs. chawm an ni a, a dang 32 hi mimal/pawl chawm an ni. Field area-ah hian Kohhran 32-ah member 1500 vel an awm a. Kumin chhungin ring thar baptisma chang 29 an awm tawh.